

2 یحیا

سورت کیریم یغ کدوا هق
توهن بری یحیا تولیس

یحیا دوق تگور توان سیتی دغن انق ۲ ی

باب 1

- 1 اکو هق فغگیل کتوا، تولیس سورت نی کیریم سلام کفد توان سیتی هق توهن فیلیه، سکالی دغن انق ۲ مو هق اکو کاسیه سوغکوه. فس بوکن اکو ساج هق کاسیه کا فواق مو،
- 2 تافی سموا اورغ هق فگغ کا خبریغ سینر جوگ. کران هق سینر تو دوق دکیت تتف، فس نق دوق سکالی دغن کیت، هیفگ سمفی سود.
- 3 مینتاء توهن باف دغن عیسی المسیح، انق ی تو، تورون رحمة، کسیاغ بلس دغن سلامت سجهترا اتس کیت، تکه کیت دوق توروو جالن کاسیه دغن فگغ هق سینر.

حکوم کاسیه

- 4 اکو براس سوک هاتی ساغت بولیه تاهوکات، ار انق دالم رومه تغگ مو دوق فگغ هق سینر، ایکوت هق توهن باف
- 5 سوروه. فس لانی، هی توان سیتی، اکو نق مینتاء جوگ ۲ سوروه فواق مو سموا دوق کاسیه مو اکو. حکوم نی بوکن هق بارو، تافی هق کیت دغر ده جق دمو لا ۲ فرچای کا المسیح لاکي.

6 فس حڪوم هق مو دغر جق مولا ۲ تو، سوروه مو توروت جالن
كاسيه. كاسيه ني، معنائ كيت دوق توروت حڪوم ۲ توهن .

فجاجران هق تاء بتول

7 ار بايق اورغ هق توبيت كي رات دنيا نق تيفو اورغ.
فواق نيله تاء سير مڱاكو كات عيسى المسيح امبيق فاكي
توبوه ماء نسي، ماري كا دنيا. هق نيله جادي سي فنيغو، ري
هق برلاون دغن المسيح.

8 سابيت تو، مو كنا جاڳ ڊيري مو، جاشن بري هيلغ هق مو
كاچغ اوسها نق بوليه تو. باروله مو نق بوليه تريما اف ۲
هق توهن چادغ نق بري.

9 اورغ مان هق لاجق دغن فجاجران المسيح، توهن تاء ار دغن
اورغ تو. تافي اورغ هق دوق دالم تارا فجاجران ساء ني،
توهن باف دغن انق ري، ڪدوا دوق ار دغن اورغ تو.

10 ڪالوسياف ماري ڪا تمفت مو، باوا فجاجران لائين، جاغله
سمبوت ري ماسوق دالم رومه، اتوا بري سلام ڪا ري فون!

11 ڪران ڪالو بري سلام ڪا ري، سروف نق برڪوغي دغن ري،
دالم فرڪارا ۲ جاهت هق ري بوات.

فسنن هق سود

12 ار بايق لاڪي اكونق رويت ڪا فواق مو، تافي اڪو

تاء سير رويت دالم سورت. موليق لاڪي اڪو ڪي بوليه
ڪپچيق سمبوغ مولوت دغن مو سنڊيري، باروله فواس هاتي.
13 انق ۲ هق ڪاڪق بتينا مو ڪيريم ڪاسيه ڪا فواق مو سموا!